



Pou Piblikasyon Imedya: 20/11/2023

GOUVÈNÈ KATHY HOCHUL

**GOUVÈNÈ HOCHUL ANONSE YO BAY PLIS PASE 40 MILYON DOLA A  
ÒGANIZASYON NAN ETA A ATRAVÈ PWOGGRAM MANJE NEW YORK POU FANMI  
NEW YORK YO**

*Finansman an bay ranfò pou kiltivatè New York yo epi ogmante aksè kominote yo  
nan manje lokal yo*

*Sibvansyon USDA yo apiye travay Eta a pou ranfòse epi ogmante rezistans Chèn  
Apwovizyonman Alimantè a*

Gouvènè Kathy Hochul te anonse jodi a ke yo te bay plis pase 40 milyon dola a 102 òganizasyon sèvis alimantè nan eta a atravè pwogram Manje New York pou Fanmi New York la (New York Food for New York Families). Pwogram lan, ki finanse atravè sibvansyon Depatman Agrikilti Etazini an (United States Department of Agriculture, USDA), vize bay yon ranfò pou kiltivatè New York yo ogmante aksè kominote yo nan manje lokal yo, epi ranfòse sistèm alimantè New York la pi plis. Inisyativ sa kontinye angajman Gouvènè Hochul pou sipòte endistri agrikòl New York la epi ogmante rezistans chèn apwovizyonman alimantè eta a.

"Chak Nouyòkè merite gen aksè nan manje lokal fre, ki bon pou lasante, epi ki gen bon gou ki ede yo santi yo nan pi bon fòm yo, se poutèt sa, n ap pran mezi ki solid pou ranfòse sistèm apwovizyonman alimantè eta nou an," **Gouvènè Hochul te deklare.** "Pwogram Manje New York pou Fanmi New York la fè pati angajman sa, lè nou ede mete plis pwodui New York sou tab nan kominote ki bezwen pi plis yo. Finansman yo bay jodi a yo ap ede òganizasyon atravè eta a touche plis moun, alimante plis fanmi epi ofri plis sipò pou kiltivatè nou yo – yon sitiyasyon kote tout moun nan eta a genyen."

Yo te bay Depatman Agrikilti ak Mache (Department of Agriculture and Markets) Eta New York de faz finansman atravè Pwogram Akò Kooperative pou Asistans nan Acha Manje Lokal (Local Food Purchase Assistance Cooperative Agreement, LFPA) pou mete anplas Pwogram Manje New York pou Fanmi New York la. Pwogram lan te fèt pou kreye yon sistèm alimantè ki pi rezistan nan tout eta a ki sipòte fèm lokal yo epi bay manje bon kalite, ki nourisan pou kominote k ap fè fas ak ensekirite alimantè yo.

Yo te bay fon sibvansyon yo a yon gwoup 102 òganizasyon ki divèsifye atravè eta a, ki enkli bank alimantè ak kantin, lekòl ak inivèsite, kolektif agrikòl, sant medikal, ak divès

òganizasyon san bi likratif, pou mete pwojè yo anplas ki achte pwodui alimantè ki kiltive nan New York epi distribye yo nan kominate ki defavorize yo. Li bay asistans teknik tou pou ede kiltivatè yo vann nan pwogram Manje New York pou Fanmi New York la. Manje yo achte yo ap sipòte kiltivatè lokal yo, ki enkli agrikiltè ki defavorize tradisyonèlman yo, ede pwodiktè yo gen aksè nan novo mache, konble eka nan chèn apwovizyonman ak distribisyon an, epi ogmante aksè kominate ki defavorize yo nan manje lokal.

Yo te bay trant sis pwojè ant 200,000 dola ak 2,000,000 dola pou yon total 37.3 milyon dola. Prim yo se:

- Distri Lekòl Vil Buffalo (Lwès New York), 2,000,000 dola
- The Campaign Against Hunger, Inc. (Vil New York), 2,000,000 dola
- Asosyasyon Ekstansyon Kooperativ Cornell nan Konte Putnam (Cornell Cooperative Extension Association of Putnam County) [Vil New York], 2,000,000 dola
- Council on the Environment Inc. (Vil New York), 2,000,000 dola
- FeedMore Western New York, Inc. (Rejyon Lwès New York) 2,000,000 dola
- Bank Alimantè New York Santral (Food Bank of Central New York) [New York Santral], 2,000,000 dola
- Bank Alimantè pou Vil New York (Food Bank For New York City) [Vil New York], 2,000,000 dola
- Island Harvest LTD (Long Island), 2,000,000 dola
- Regional Food Bank of Northeastern New York Inc. (Rejyon Kapital/Mid-Hudson), 2,000,000 dola
- Konsèy Kowòdinasyon New York Metropolis sou Povrete Jwif (Metropolitan New York Coordinating Council on Jewish Poverty) [Vil New York], 2,000,000 dola
- RiseBoro Community Partnership Inc. (Vil New York), 2,000,000 dola
- Skyline Charitable Foundation (Vil New York), 2,000,000 dola
- New York Common Pantry, Inc. (Vil New York), 1,991,244 dola
- Asosyasyon Bank Alimantè Eta New York (Food Bank Association Of New York State) [Rejyon Kapital/Tout eta a], 1,985,703 dola
- Institute for Community Equity & Sharing, Inc. (Vil New York), 1,877,586 dola
- Cornell University (Southern Tier), 1,647,262 dola
- United Way of New York City (Vil New York), 822,395 dola
- Ekstansyon Cornell Cooperative nan Konte Chautauqua (Lwès New York) - 800,000 dola:
- Infinity Educational Special Programs Corp (Vil New York/ Long Island/ Nan tout eta a), 750,000 dola
- Saranac Lake Rotary Foundation Inc. (North Country): 731,085 dola
- Foodlink Inc. (Finger Lakes), 703,934 dola
- Feeding Westchester, Inc. (Mid-Hudson), 609,057 dola
- Capital Roots Inc. (Rejyon Kapital), 500,000 dola
- BronxWorks Inc. (Vil New York), 450,000 dola
- AdkAction (North Country), 238,761 dola
- Comfort Food of Washington County, Inc. (Rejyon Kapital), 217,500 dola

Anplis, yo te bay 76 òganizasyon ant 10,000 dola ak 50,000 dola pou yon total 3.6 milyon dola. Lis benefisyè konplè a disponib [isit la](#). Y ap anonsé yon dezyèm aplikasyon pou finansman nan mwa k ap vini yo.

**Komisè Depatman Agrikilti ak Mache Eta New York la, Richard Ball, te deklare,** "Youn nan priyorite nou nan Depatman an se ogmante sekirite alimantè nan kominote nou yo epi devlope yon chèn apwovizyonman alimantè lokal ki solid isit la lakay nou. Finansman ki soti nan pwogram Manje New York pou Fanmi New York la ap ede òganizasyon alimantè lokal yo gen plis enpak sou kiltivatè yo sipòt yo ak fanmi ke yo ede alimante yo. Mwen rekonesan a Gouvènè Hochul ak patnè nou yo nan USDA dèské yo ede nou kontinye travay nou pou mete plis pwodui New York sou tab nan kominote ki pi bezwen yo."

**Lidè Majorite Sena a, Charles Schumer, te deklare,** "Soti Buffalo rive Bronx, bank alimantè ak òganizasyon kominotè yo ap travay san rete pandan semèn Aksyon de gras (Thanksgiving) sa pou ede alimante timoun ak fanmi nou yo, epi mwen fyè pou ede libre envestisman federal 40 milyon dola sa pou ede yo ranfòse sèvis yo ak manje ki pwodui isit la nan New York. Envestisman sa ki te rive posib pa USDA se yon sitiyasyon tout moun genyen ki ranfòse rezistans chèn apwovizyonman alimantè lokal nou an epi ki kore kiltivatè New York yo. Chak fanmi merite gen aksè nan manje ki fre, ki bon pou lasante pi ke yo achte nan nivo lokal, epi mwen rekonesan pou travay ekstraòdinè chak benefisyè ap fè epi n ap toujou goumen pou bay sipò yo bezwen an pou nouri timoun ak fanmi nou yo."

**Senatè Kirsten Gillibrand te deklare,** "Pwogram Manje New York pou Fanmi New York la ede asire ke Nouyòkè yo gen aksè nan manje ki bon pou lasante, ki nourisan," "Finansman sa ap ede ranfòse sistèm apwovizyonman alimantè Eta New York la pi plis, k ap asire ke gen manje lokal ki disponib pou kominote ki pi nan bezwen yo, tout sa pandan n ap sipòt kiltivatè lokal yo. Mwen rekonesan pou angajman USDA pou ogmante sekirite alimantè nan New York epi m ap kontinye goumen pou asire ke tout fanmi New York yo gen manje ki sen sou tab yo."

**Sou-Sekretè pou Maketing ak Pwogram Reglementè USDA a, Jenny Lester Moffitt te deklare,** "USDA kontan anpil pou kontinye patenarya nou ak New York, atravè pwogram Manje New York pou Fanmi New York la. Pwogram Manje New York pou Fanmi New York la, ki finanse atravè Pwogram Asistans pou Achte Manje Lokal USDA a, ki pèmèt gouvènman eta a, tribi, ak gouvènman territoryal yo achte epi distribye manje ki kiltive lokalman, ki bon pou lasante, epi ki nourisan, ap travay pou ranfòse mache pou pwodiktè lokal yo pandan I ap ede kominote lokal yo fè fas ak ensekirite alimantè."

Eta a te lanse plizyè pwogram revolisyonè nan ane ki sot pase yo pou amelyore aksè nan manje ki bon pou lasante, ke yo kiltive lokalman epi pote manje ak bwason yo kiltive nan New York yo nan kominote ki defavorize ak nan lekòl Eta New York yo.

Inisyativ [Nourish NY](#) la te achte, atravè rezo bank alimantè eta a ak founisè manje ijans lan pou yon valè ki plis pase 153 milyon dola nan men kiltivatè lokal yo epi li te livre yo bay fanmi ki nan bezwen yo. Anplis, Konsèy sou Lafen ak Politik Alimantè (Council on Hunger and Food Policy) Eta a reyini pou bay responsab politik eta yo ekspètiz sou fason pou adrese pwoblèm lafen an epi amelyore aksè nan manje ki bon pou lasante ki kiltive lokalman pou rezidan Eta New York yo. Travay Konsèy la te enpòtan anpil pandan etablisman pwogram Nourish New York la, gras ak konsantrasyon li pou ranfòse lyen ak koperasyon ant pwogram ki adrese pwoblèm lafen an ak sila yo ki pwodui epi founi manje.

[Inisyativ 30 poustan Eta New York](#) la, ki se pwogram Eta a [soti nan Fèm pou rive nan Lekòl](#), ak pwogram nitrisyon timoun ke Depatman Edikasyon Eta a administre, konsantre sou achte plis pwodwi lokal nan men kiltivatè New York yo epi ogmante manje lokal ki bon pou lasante epi ki nourisan pou manje midi nan lekòl New York yo.

Diskou Gouvènè Hochul sou sitiayson Eta a an 2023 ak Bidjè ane fiskal 2024 la te genyen ladan yo envestisman solid ki vize ogmante demann pou pwodwi agrikòl New York, ranfòse chèn apwovizyonman alimantè New York la epi asire ke tout Nouyòkè kapab pwodui epi jwenn aksè nan manje fre ak lokal yo. Sa enkli Dekrè Egzekitif Gouvènè ki mande ajans Eta yo pou ogmante poustantaj manje yo apwovizyone kay kiltivatè ak pwodiktè New York yo a 30 poustan nan acha total yo sou senk ane epi ogmante limit diskresyonè pou lekòl yo achte manje lokal ak pwodui lokal de 20,000 dola a 150,000 dola, yon ogmantasyon ki enpòtan pa rapò ak limit anvan an.

Anplis, Bidjè a te genyen ladan I [50 milyon dola sou senk an pou sipòte etablisman kwizin rejyon yo](#) k ap fasilité izaj pwodui fre fèm Eta New York yo nan preparasyon repa pou timoun Matènèl rive nan 12yèm ane. Pou amelyore opòtinite aksè nan manje nan kominote ki defavorize tradisyonèlman yo pi plis, bidjè a te enkli yon pwogram sibvansyon 10 milyon dola pou sipòte etablisman mache agrikòl, sipèmache, kooperativ alimantè ak lòt magazen alimantè ki vann an detay, epi pou sipòte enfrastrikti nan kominote ki defavorize ak rejyon Eta a.

###